

Nyaeb Ciengj

武宣县桐岭镇新龙小学六(1)班 Liuvangz Ging'yaj/廖黄庆雅



Gou gyaез bae cauhsi youz. Ngoenzneix gou lumj bingzciengz ityiengh bae cauhsi youz, sawqmwh daj baihlaeng cienz daeuj sing ndeu: “Nyaeb ciengj!” Simdaez gou yaepyaep saenz, dwg seizlawz dingq gvaq coenz vah neix? Gou caem youq ndaw dauqngex laeglaeg bae.

Seizhaenx dou doeg haj nienzgaep, miz ngoenz ndeu banhaet yaek cuengqhag seiz, yijvwnz lauxsae saenzmaed dwk doiq dou gangj: “Ngoenzneix banringz ban raeuz yaek guh nyaeb ciengj hozdung, doxgaiq dajciengj miz haujlai cungj bw!” “Ye!” Gyoengq doengzhag baez dingq couh doxcaez hemq hwnjdaej, ciepdwk bak lai bak daih gangj hwnjdaej, dauqdaej miz gijmaz doxgaiq nyaeb ne? Diuzman roxnauз bonjsaw……

Banringz hwnjdangz lo, hoeng, lij mbouj caengz raen yijvwnz lauxsae, dou daengx ban hagseng lwgda cungj cimyawj rog dou. Dang baihrog cienz daeuj gij sing byaij loh dou cei sug seiz, cungj gag caem roengzdaej, lwgda lumj miz byawz yinx nei, cungj caez yawj gwnz fwngz lauxsae gaem aen loengx seiq mienh cungj nem miz ci “ciengj” youh hung youh hoengz haenx. Lauxsae byaij hwnj gwn gyangjdaiz, couh sien yungh lwgda yawj dou mbat ndeu, yienzhaeu youh riu dwk cam dou: “Sou gyaез nyaeb ciengj lwi?”

“Gyaез!” Dou daihsing han naeuz.

“Ndei, raeuz couh hainduj nyaeb ciengj ba, sou byawz dawz fwngz yaengx ndaej sang, gou couh heuh

byawz hwnjdaej nyaeb.” Gangj sat de lij daeg-daengq ngauз aen loengx haenx geij mbat.

Lauxsae mbouj caengz gangj sat, gij fwngz dou couh lumj gorangz nei doxcanj yaengx hwnjdaej. Boux naengh youq baihnaj ndei lai lo, lauxsae baez yawj haengjdingh yawjraen gyoengqde gonq, ndigah miz mbangj doengzhag naengh youq cungqgyang raen le, lau lauxsae yawj mbouj raen swheij, ndawsim ngeix: Dou mbouj ndaej naengh baihnaj seizneix vi lai lo, dou ndwn hwnjdaej, nanzdauh yaengx fwngz mbouj beij boux naengh baihnaj haenx sang? Lauxsae mbouj heuh dou lij heuh byawz dem! Gyoengq doengzhag naengh cungqgyang haenx couh ndwn hwnjdaej. “A!” Doenghboux



doengzhag naengh youq geij baiz baihlaeng raen le, cungj caez hemq hwnjdaej, sim gip le, lumj doxiu nei ndwn hwnj gwnz daengq daeuj yaengx fwngz……

Lauxsae raen dou baenzneix siengj nyaeb ciengj, cungj riu ndaej bak mbouj haep, naeuz: “Ban raeuz vunz haemq lai, lauxsae mbouj miz baenzlai ciengjbinj, ndigah, lauxsae heuh daengz byawz, byawz couh hwnj gwnz gyangjdaiz daeuj, mboujnex couh caj baez laeng lo.” Gyoengq dou baez dingq laexsae baenzneix gangj couh dawz fwngz yaengx ndaej engq sang lo. Yaep ndeu, lauxsae couh heuh mingzcoh, mboujgvaq gou roxninh gig geizheih, lauxsae vihmaz cungj dwg heuh boux gik doegsaw hwnjbae? Boux hagsib ndei cungj mbouj heuh saek boux? Vih gijmaz ne?

Doenghboux doengzhag ndaej hwnjbae miz mbangj daekeiq vauvau, naj ngiengx hwnj mbwn, congghdaeng lumj hai ndaej hojceh nei, miz mbangj guh najveijgvaic coh dou doenghboux naengh youq baihlaj haenx, yienghneix guh dou youq laj youh hozhaenz youh hoznyap.

Seizneix lauxsae youh hai bak gangj lo: “Hainduj nyaeb ciem lo, danhseih nyaeb dawz ciem mbouj ndaej sien hai daeuj yawj, gou heuh seizlawz hai cij ndaej hai.” Lauxsae yied baenzneix gangj dou yied raen geizheih, youq gwnz daiz miz song boux doengzhag laeglemx cienq ndang gvaq bae hai yawj. A? Naj song de baenzlawz bienq la? Dang lauxsae heuh gyoengqde hai ciem seiz, o, sojmiz vunz naj cungj lumj haxbaenh song boux doengzhag ityiengh——najsap liux, cungj lumj aen heiqliuz deng vunz langh heiq nei, ndwn youq gizhaenx doeknaiq liux. Dou youq laj bouboux hix raen geizheih: Dauqdaej gyoengqde nyaeb ndaej maz ciengj ne?

Ciepdwk lauxsae heuh gyoengqde dawz ciem hai hawj dou yawj, haha……Dou ca di riu ndaej vax yaek biengj bae, yienzlaiz gij ciem neix mbouj dwg sij diuzman roxnauз bonjsaw! Cungj dwg gij cihsiz dou ngamq hag gvaq! Gvaiq mbouj ndaej lauxsae cungj dwg heuh boux gik doegsaw hwnjbae, dwg sawq gyoengqde geiq ndaej maenh gij cihsiz son gvaq haenx mbouj caengz……

Gienh saeh neix gaenq gvaqbae haujlai nanz lo, moix mbat dingq daengz vunz gangj “nyaeb ciengj”, gou couh ngeix hwnj mbat nyaeb ciengj hozdung ban dou hawj gou ciuhvunz nanzlumz neix.

(bouxlauxsae son'gyauq: Lungz Gingyi/龙庆煜)

Sujgyaj, gou caeuq daxboh daxmeh lij miz daegnuengx daeuj daengz Fangz-cwngzgangj, seizhaenx mbwn ciemhciemh laep lo, yienghneix dou couh youq gizneix gvaq haemh ndeu.

Ngoenz daihngaih dou daeuj daengz Ginhdanh, rieg ndangdaenj youzraemx ndei le, dou couh byaij bae coh henz haij. Gwnz sadan miz haujlai saehaij, miz di lij ndoj youq ndaw sa, couh lumj lij caengz ninz ndiu. Miz di conh ok buenq aen ndang lumj cingq iet gyaеuj daeuj yawj seiqgyaiq baihrog nei. Miz di daengx ndang ninz youq gwnz sa, lumj naeuz aen seiqgyaiq neix yienghneix hung, gou hix okdaej byaij baez ndeu. Dou daeuj daengz henz haij couh yawjraen gij raemxlangh fubfed dongj daeuj coh dou, mboujduenh dawz dou dongj hwnj gwnz hamq, caj raemxlangh baez doiq, dou couh cung roengz ndaw haij bae. Raemxlangh yied daeuj yied hung, daj yienzlaiz langh iq menhmenh bienqbaenz langh hung, langh hung bongj hwnj lij sang gvaq vunz bae. Ciep roengzdaej raemxlangh yied daeuj yied hung, yaek dawz dou gienj roengz haij bae, hoeng gou caeuq daegnuengx cungj mbouj lau saekdi, lij dwg guhcaemz ndaej gig angq. Daxboh daxmeh heuh dou

hwnj hamq lo, dou gaenbonj dingq mbouj nyi, laebdaeb guhcaemz.

Seiz banhaemh, gwnz danhaij gingjsaek engq gyaеundei, lumj fuk dozveh ndei yawj ndeu, daj gyaе muengh bae, raemx caeuq mbwn doxlienx, mbwn caeuq raemx doxrangh, raemxhaij deng nyumx baenz saek henjgim, raemx mbwn caemh saek, youq baihsae henz gapgyaiq raemx mbwn doxciep, daengngoenz lij fatok gij ronghgim henjmyanmyan, fwj gwnz mbwn hix deng nyumx baenz saekhoengz gig ndei yawj.

Baezneix gou daeuj daengz Fangz-cwngzgangj caen mizyinx, mboujdan guhcaemz ndaej gig angq, lij yawjraen gingjsaek gyaеundei. Fangzcwngzgangj, gou gyaез mwngz!

(bouxlauxsae son'gyauq: Vangz Gveiyangh/黄桂香)

Youz Fangzcwngzgangj

上林县大丰镇皇周小学六(2)班 Lij Sinhyij/李新宇

